

山

復興 陳秋貴

天--欲光

phah-phú phah-phú

霧

罩落來

親像一頂紗仔巾

共一个 gâu 見笑的新娘

罩牢咧

予你

看無我的真面目

日--出矣

鳥仔覆佇耳空邊共我叫醒

鶯聲燕語

蝶仔用迷人的舞蹈伴我過日

妖嬌美麗

我有 千變萬化的 迷魂陣

你定 惹來惹去 揣無路

欲暗

眾生的百子千孫

班師回朝

Ki-ki-kiauh8-kiauh8

我的心胸

會當容允別人的嚷鬧

我的腹腸

會 kham 得眾人的行踏

毋閣

請你毋通共我剮皮、挖骨

若無

我會皮裂骨折 (tshih8)

流膏、流膿

美麗的面容變矣—變作禿頭

吸引人的迷魂陣破矣—成作塗石流

我大聲哀 淒慘叫

無人欲插

目屎 kânn 血

成作濁 kiak-kiak 的水

一直流 一直流

對深山林內流到大海

沿路 lònḡ-lònḡ 叫

彼是我的哀叫聲

疼矣、疼矣、疼……